

[Timor-Leste Ministry of Finance -- 23 Setembru 2019](#)

VIII Governu Konstitusionál Finaliza Diskusaun KROP



APRESENTASAUN RESULTADU FINAL PROPOPOSTA ORSAMENTU JERAL ESTADU 2020 IHA KOMITE REVIZAUN POLÍTICA

Haktuir hosi kumprimisu politika VIII Governu Konstitusionál katak sei kontinua kontribui ba transforma Timor-Leste, sai país ida ne'ebé iha rendimentus ki'ik ba país ida ho rendimentus médios-altos, Komite Revizaun Orsamentu Polítika (KROP) iha loron 23 Setembru 2019 hola fatin iha Auditoriu Xanana Gusmão Ministériu Finansas, finaliza ona diskusaun konaba prioridade nasional ne'ebé sei aposta iha Orsamentu Jerál Estadu (OJE) 2020.



Diskusaun iha loron dahikus, KROP halo apresiasaun finál no kontinua orienta ba Ministériu Finansas hodi halo atualizasaun finál antes apresenta ba Konsellu Ministru loron 27 Setembru. Ho nune'e Ministériu Finansas bele hahu'u ona prepara dokumentu suplementar sira hanesan livru orsamentu numeru I to VI hodi apresenta iha Parlamentu Nasionál loron 15 Outobru 2019 haktuir hosi Lei Jestaun Orsamentu no Finanseira ne'ebé estipula iha kalendaru submisaun nian.

Diskusaun ne'ebe hahú iha loron 9 Setembru 2019, KROP hatudu pasu pozitivu hodi halo filtralizasaun ba proposta sira ne'ebe mai hosi lina Ministéris no institusaun estadu relevantes sira seluk. OJE 2020 enkuadra ho prioridade nasionál ne'ebé governu determina tiha ona hanesan kapital sosiál, ekonómia, fundu infraestrutura no setór institusionál.



“Proposta adisional sira ne'ebé maka hato tenke aloka tuir sekuensia sira ne'e depois ita bele hare'e postura hosi orsamentu ne'e rasik. Ninia enkuadramentu ne'e tenke fó konsentrasaun ba iha setores ida ne'ebé mais importante liu hanesan setór kapital sosiál, setór ekonomia, setór infra-estrutura no setór institusionál”. haktuir Diretor Jeral Finansas Estadu, Ministériu Finansas, Janeiro da Gama.

Tetu fiskál OJE 2020 ho montante biloins 1.6 ne'ebé antes ne'e hetan aprovasaun hosi Konsellu Ministru seidauk suficiente hodi kobre nesesidade entermus programa no atividades hosi liña ministerias no instituisaun estadu relevantes hotu ba tinan 2020. Ho nune'e ministériu no institusaun apresenta no justifika kona-ba proposta adisional balun hodi ajusta ho despeza 2020. “Iha possibilidade sei aumenta tanba ho pakote 1.6 biloins ne'ebé distribui iha konprimisu polítika foun lubuk ida maka tenke hatan ba orsamentu 2020”. hateten Janeiro da Gama

Komite Revizaun Orsamentu halo revizaun ba proposta orsamentu idak-idak no konvida ministériu no instituisaun estadu relevantes sira atu defende no fo razaun ba proposta ida-idak. Bainhira ministériu no instituisaun estadu relevantes hotu apresenta sira nia propostas, Komite Revizaun Orsamentu kuintina forma orsamentu hosi proposta hirak ne'e hodi apresenta ba Konsellu Ministru.